

湯顯祖年譜

徐朔方著

K825.6/22

首都师范大学图书馆



20759060

徐朔方著

湯顯祖年譜

(修訂本)

上海古籍出版社

759060



湯顯祖年譜

(修訂本)

徐朔方著

上海古籍出版社出版

(上海瑞金二路272號)

經售處上海發行所發行 上海市印刷三廠印刷

開本 787×1092 1/32 印張 8.625 插頁 1 字數 152,000

1980年5月第1版 1980年5月第1次印刷

印數: 1—5,000

統一書號: 11186·23 定價: 0.85 元



湯顯祖畫像

清道光戊戌(一八三八)年江都陳作霖摹寫

不挂懷也
 我思家處久行多矣而昨不
 能至治念何堪况秋寒對客
 長歎時道寄輕袖時一試一報
 中人隔年之事

聞
 休休明日唯恐不能去波與池
 閣外自有相與歡必以此事
 催高有列冬事時滿還誰
 是鄉中事

因更病解而公建步別于以
 在客中我日壯年一更建步
 取去同病一更建步

此公食那為空閑金
 步者酒事元未上共主門
 飲以西江

盡物消沈清溪經其多情
 客所處之是事年一更建步
 閑事不傳

自選本意不云為事一更建步
 給賦時何必懶主為亦北張杜
 其在羅西相

情致相宜為保法伊烟月
 向沈 在之微病兼秋意入時
 許路勢越

張子友京揚致

湯顯祖手跡

詩稿手卷, 上海市博物館收藏

目 錄

湯顯祖年譜 一一六

附錄

甲 交遊資料補錄 一八九

乙 詩賦文集考略 二〇九

丙 玉茗堂傳奇創作年代考 三二

丁 紫簫記考證 三三

戊 杜麗娘慕色還魂話本 三九

己 牡丹亭與婦女軼聞 四九

庚 引用書目 五三

辛 人名索引 五七

再版後記 六三

湯顯祖年譜

湯顯祖，字義仍。

『文昌湯氏宗譜』卷首明鄒迪光（愚公）作『湯顯祖傳』、『罪惟錄』傳卷十八『湯顯祖傳』、清蔣士銓『紅雪樓九種曲』附『玉茗先生傳』、清光緒丙子重修『撫州府志』卷五十九傳、萬曆十一年『進士登科錄』。義仍一作義，又作義人。見帥機『陽秋館集』、鄒元標『鄒忠介集』。

二十八歲號海若。見本譜萬曆五年。

四十九歲自署清遠道人。

以住所清遠樓得名。見本譜萬曆二十六年。

五十歲號海若士，一稱若士。

『明史』卷二三〇傳：『字若士』，蔣傳：『一字若士』，『縣志』傳『字若士』，非是；『罪惟錄』傳：『字義仍，號海若』，『列朝詩集』丁集中小傳：『字義仍』，『府志』傳『號若士，一稱海若』，鄒傳『別號若士』，是。詳見本譜萬曆二十七年。

晚年號繭翁。

『玉茗堂詩』卷十六（一六）『繭翁口號』，自註『周青來云：我輩投老，如住繭中。喜其語雋，取以自號』。詩云：『不隨器界不成集，不斷因緣不弄蛾。大向此中乾到死，世人休擬似蘇何。』『玉茗堂尺牘』卷三『答趙夢白』：『弟近號繭翁，乾而不出。』同卷『答林若撫』：『不佞近衰，胸縮限萑，自謚繭翁，乾而不出。』『玉茗堂詩』卷三（一六）：『繭翁，予別號也。得林若撫『繭翁詩』，爲范長白書。感二妙之深情，却寄爲謝。』『繭翁入繭時，絲緒無一縷。自分省眠食，與世絕筐筥。』（節）』

高祖峻明，字子高。邑庠生。有萬石倉廩於良崗莊。成化二年遇郡大歉，捐穀賑飢。賜旌表尙義，予八品冠帶。有牌坊在文昌橋東。藏書四萬餘卷。譜首『親派仕宦、撫郡湯氏廨宇規模記』、『間棘郵草、

廣意賦』。

曾祖廷用，一名瑄，字勸聖。生有雋才，爲名諸生。譜首『勸聖公傳』、『登科錄』。

祖父『懋昭，字日新，號西塘。』（節）性秉潔清，心存遠大。讀書過目不忘，作文頃刻立就。髫齡補弟子員。每試輒冠多士，望重士林，學者推爲詞壇上將。年至四十，棄廩餼，遠夢羣，隱處於西塘莊，因以爲號。並題聯以寫意曰：『金馬玉堂，富貴輸他千百倍；簾床竹几，清涼讓我兩三

分。」由是閉戶潛修，或賦詩以言志，或彈琴以娛情。『譜首陳仲作，西塘公傳』。能陰騭。『玉茗堂詩』卷一

(八)『三十七』。『家君有明教，大父能陰騭。』多藏書。『玉茗堂詩』卷二(六)『吾廬』。『大父喜書詩，大母愛林居。』(節)

藏書倏以火。又據『問棘郵草』卷二『廣意賦』：『四爲賓於上府』，當在退隱前。

顯祖『紅泉逸草』，和大父雲蓋懷仙之作』云：『第少仙童色，空承大父言。』同書『和大父遊城西魏夫人壇故址詩』序云：『家大父早綜籍于精養，晚言筌于道術。捐情末世，托契高雲。家君恆督我以儒檢，大父輒要我以仙遊。』序後並附懋昭原作詩一首。懋昭道家思想于少年顯祖之影響，參看本譜嘉靖四十三年。

懋昭再娶魏氏夫人，顯祖生時年六十三。據此推測，時懋昭約七十歲。據『紅泉逸草』詩編排，顯祖作『和大父遊城西魏夫人壇故址詩』年可十五、六，懋昭猶健在，已近九十歲矣。

祖母魏夫人生於弘治元年戊申 一四八八。

顯祖生時，祖母年六十三歲。帥機『陽秋館集』卷二『魏夫人誄』：『生弘治戊申』，又據『問棘郵草』：『齡春賦』：『太母實降生南岳兮，閏純皇之戊申。弘治爲孝宗敬皇帝年號，純皇係憲宗，此誤。同賦序云：『余太母爲魏夫人，年九十二矣。動爲小子治賓客，暴書器。小子或違去信宿，則卦卜。至游太學，應詔辟，爲嚴裝送發，不啼也。小子受恩念深至。兒時病，不好牀席，常以太母腹爲藉。至十餘歲，補弟子時，尙臥其肘。』是以外出夜夢，常惟夢太母耳。私心不急於宦達，以是。』參看本譜萬曆七年。

父尙賢，嘉靖七年戊子（一五二九年）十二月初一日生。

顯祖生時，父年二十三歲。『宗譜』。尙賢字彥父，號承塘。繼尊公西塘志也。翁產於冬之季，遂覺冰霜之氣，鍾之獨厚。煥日薰風，不易見焉。家爲嚴君，鄉稱畏友。弱冠卽受餼於邑庠。爲文高古，舉行端方。竟以嗜古耽奇，稍淹驥足。性不喜軒蓋。躍馬着履行城市村落間，往來甚迅。寡疾病，病亦勿藥。通黃帝彭祖之術，時借以自輔。年逾耄耋，舉止不異少壯人。購靈芝園地葬伯清、子高墓。設祠於其右。建湯氏家塾於城內唐公廟左，立文會書堂於文昌門之外。堂上題云：『文比韓蘇歐柳，行追綬契臯夔。』捐萬石以賑荒歉，出千金以修橋梁。尙義而不計利，爲人所稱。郡縣長吏聞翁之風而高之。欲以鄉飲嘉賓相延，翁堅不出。最後太守蘇公宇庶親詣固請，不獲已，始爲一赴。蘇公見而嘆曰：『名可得聞，人不可得見，豈虛語哉！』因顏其廬曰『可聞不可見』。以上據『文昌湯氏宗譜』卷首『承塘公墓誌銘』、『承塘公傳』、『撫郡湯氏解字規模記』、『玉茗堂尺牘』卷六『答蘇眉源郡伯』。諸文原句湊合而成，重版校訂時，以手頭無原書，不加引號。

母吳氏，嘉靖九年庚寅（一五三〇）十一月初八日生。

顯祖生時，母年二十一歲。庵下『臨川東南二十餘里吳允頤女』。『宗譜』、『問棘郵草』卷下『哭外翁吳公允頤』。少讀書。顯祖幼年，母多病。『問棘郵草』卷上『齡春賦』：『余母堅其孝仁兮，病煩溫而引連。余代戾于太母兮，時有娛而作言……』。余母甚嚴靜兮，少讀書而習故。』參看本譜萬曆四十二年。

明世宗嘉靖二十九年庚戌 一五五〇 一歲。

舊曆八月十四日（公曆九月二十四日）卯時出生於江西撫州府臨川縣城東文昌里。

出生時日據清嘉慶丁卯修『文昌湯氏宗譜』。又據『宗譜』，文昌湯氏自一世祖伯清公起，世居臨川東門外文昌橋東。『玉茗堂詩』卷二（六）『吾廬』：『文昌通舊觀，東井映餘暉。出入橋梁望，鬱葱佳氣微。層臺對金玉，隈阡隱靈芝。』又，詩卷七（一二）『雷陽初歸，別樂少南文學。文學故從其大人之燕，歸青雲峯讀書。談余所居「北垣迴武曲，東井映文昌」（據『宗譜』卷首『撫郡湯氏廨宇規模記』，此爲門聯）爲勝，漫云。』按，文昌爲里名，亦爲橋名。東井在橋東，今已無考（或云卽今東倉鄉巷井，未知確否）。武曲指關帝廟，在城北。據此可約略推知湯氏故居在文昌橋東偏北之江邊。亦卽顯祖墓（卽靈芝園，一名湯家山）之北，正覺寺之西南江邊。顯祖祖父懋昭，年至四十，乃離祖居，隱處於西塘莊。譜首『西塘公傳』：莊在臨川城東北約十五里，舊屬長寧鄉。以小湖西塘得名。『縣志』卷六。湯顯祖『玉茗堂詩』卷二（二〇）『西塘莊池上懷大父作』，卷十一（二〇）『西塘煙渚憶大父徵君』，均指此。以下詩、文卷次未註集名者，皆『玉茗堂集』。懋昭退居西塘，兒輩似仍留故宅。顯祖出生時，懋昭已居古稀之年，當已還住祖居。予見『西塘湯氏重修族譜序』云：『湯氏居西塘，自爲一族，已數百年。雖與臨川玉茗諸湯氏同爲唐宣慰大夫萬四公所自出，而始祖則斷自銀一公，而毫不攀援附和者。』文昌湯氏似未有派居西塘者。顯祖當生於文昌里祖居。

湯顯祖『問棘郵草』上卷『廣意賦』：『舉微身於世肅（世宗）兮，歲商橫（庚）之奔茂（戊）。壯橘陽（八月）之二七兮，在端黎之暖卯。』

詩卷三（九）『送汪仲蔚備兵入閩』：『肅帝金天精，庚戌秋八月，七日子生辰，再七我如達。』

詩卷一（八）『三十七』：『我辰建辛酉，肅皇歲庚戌。初生手有文，清羸故多疾。自脫尊慈腹，展轉大母膝。』萬曆十一年『進士登科錄』云，義仍以二十七歲舉進士，其生年當爲嘉靖三十六年。按，此與以上各條俱不合，『登科錄』所記之年齡每有虛報、隱瞞等情，不足據。

羅汝芳三十六歲。是年『約同志大會留都（南京），秋會江省（南昌）月餘。泝流至螺川（吉安），集會九邑同志』。

據『羅近溪先生全集』附楊起元作『墓誌銘』。以後據此銘言羅汝芳事，不另注出處。羅汝芳爲左派王學創立者王艮之三傳弟子。湯顯祖出其門下。

釋真可八歲。

真可字達觀，號紫柏。吳江人。嘉靖二十二年（一五四三）六月二十二日生。十七歲出家。見『紫柏老人集』、慈山『達觀大師塔銘』。

帥機十四歲。

帥機嘉靖十六年丁酉（一五三七）生。據『陽秋館集』：『惟審先生履歷』。

丁此呂一歲。

詩卷十六（一五）『哭丁元禮』序：『右武（此呂字）兄同予生庚之戌，舉庚之午，友善。』

沈懋學十二歲。見本譜萬曆十年。

屠隆九歲。見本譜萬曆三十三年。

李維楨四歲。據『明史』卷二百八十八推算。

王世貞二十五歲。詳本譜萬曆十六年。

顧憲成一歲。焦竑十歲。

徐渭三十歲。

李攀龍三十七歲。

王世懋十五

歲。以上據吳榮光『歷代名人年譜』。

嚴嵩以嘉靖十五年閏十二月由南京吏部尚書調禮部尚書，二十一年入閣。本年八月以華蓋殿大學士加上柱國。『宰輔年表』、『七卿年表』、『明史紀事本末』卷五十四誤以爲二十年入閣。

是年六月丁巳，俺答犯大同。總兵官張達、副總兵林椿戰死。仇鸞坐廢久，重賂嚴嵩子世蕃，起宣大總兵。八月丁丑，俺答大舉入寇，攻古北口。薊鎮兵潰。戊寅，寇掠通州，京師戒嚴。召大同總兵官仇鸞及河南、山東兵入援。壬午，寇薄都城。仇鸞爲平虜大將軍，節制諸路兵。

馬。丙戌，京師解嚴。丁亥，仇鸞敗績於白羊口。兵部尚書丁汝夔、巡撫侍郎楊守謙棄市。

『世宗本紀』、『明史紀事本末』卷五十四，參看『明史紀事本末』卷五十九『庚戌之變』。

詩卷三（九）『送汪仲蔚備兵入閩』：『是月太白高，大臣有誅殺』，指此。

八月丙寅，封方士陶景文爲恭誠伯。『世宗本紀』、『明史紀事本末』卷五十二作四月。

嘉靖三十年辛亥 一五五二歲。

春三月，仇鸞主和，與俺答通馬市。楊繼盛上疏力言不可，下獄，謫狄道典史。

馬市雖開，俺答入寇如故。以上『明史紀事本末』卷六十『俺答封貢』。

嘉靖三十一年壬子 一五五三歲。

三月，罷馬市。八月，仇鸞罷，病死，戮屍。『明史紀事本末』卷六十。

帥機中舉。『陽秋館集』、『惟審先生履歷』、『縣志』卷三十六。

嘉靖三十二年癸丑 一五五三歲。

嘉靖三十三年甲寅 一五五四歲。

能屬對。

『宗譜』卷首鄉愚公『若士公傳』：『生而穎異不羣。體玉立，眉目朗秀。見者嘖嘖曰：「湯氏寧馨兒。」五歲

能屬對，試之即應。又試之，又應。立課數對無難色。『愚公爲無錫鄒迪光（彥吉）別號。據『玉茗堂文』卷三

『調象庵集序』。

嘉靖三十四年乙卯 一五五六歲。

倭掠蘇州、蕪湖、南京。『世宗本紀』。

前書。『本末』卷五十四。

兵部員外郎楊繼盛以論劾嚴嵩被殺。

嘉靖三十五年丙辰 一五五七歲。

羅汝芳約在是年由太湖令擢刑部山東司主事。

二月，巡撫侍郎胡宗憲總督軍務討倭。

八月壬寅，詔採芝。以上『世宗本紀』。

世宗迷信道教，上本生父睿皇帝道號三天金闕無上玉堂都仙法主、玄元道德哲慧聖尊開真仁化大帝，生母獻皇后號三天金闕無上玉堂總仙法主、玄元道德哲慧聖母天后，孝烈皇后（世宗第三后）號九天金闕玉堂輔聖天后掌仙妙化元君，自號靈霄上清統雷元陽妙一飛元真君，後加號九天宏教普濟生靈掌陰陽功過大道思仁紫極仙翁、一陽真人元虛玄應開化伏魔忠孝帝君，再號太上大羅天仙紫極長生聖智昭靈統三元證應玉虛總掌五雷大真人玄都境萬壽帝君。『明史紀事本末』卷五十二。嘉靖、隆慶、萬曆間，道教盛行，上

行下效，不可收拾。參看本譜萬曆八年蠡陽子事。

八月，胡宗憲計斬海寇徐海。次年十一月，又誘殺汪直。『明史紀事本末』卷五十五。

徐渭知兵，好奇計，在宗憲幕。宗憲誘殺徐海、汪直，徐渭皆預其謀。『明史』卷二百八十八徐傳。

十一月，逮總兵俞大猷下錦衣衛獄。

嚴世蕃怒大猷不附己，授意胡宗憲，論其失事，故有是逮。『本末』卷五十四。

嘉靖三十六年丁巳 一五五七 八歲。

嘉靖三十七年戊午 一五五八 九歲。

夏四月，總督胡宗憲獻白鹿。五月，復獻白鹿于齊雲山。以宗憲忠敬，陞一級，百官表賀。秋

七月，禮部類進四方獻芝凡千八百六十有四。『明史紀事本末』卷五十二。

徐渭在宗憲幕，爲草表進白鹿，當是年事。屠隆師沈明臣（嘉則）同在宗憲幕。『明史』卷二百八十八。

嘉靖三十八年己未 一五五九 十歲。

幼多病。

據詩卷二（一六）『答鄒愚公毘陵秋約』：『蹇予幼多病。』

詩卷十七（一三）『何東白太醫許開酒口號』之二云：『偶然病肺怯春風』，此爲四十餘歲時作於遂昌令任；

詩卷十六（一八）『聞姜仲文使君臥聞旬時懷不能去漫成六首』之二云：『因君病肺兩留連，（節）敢言同病一相憐』；之四云：『每慚消瘦得君愁』；又詩卷十八（一九）『九日送楊因之歸新城』云：『病肺蕭然客數杯』，以上皆爲五十歸田後作。是顯祖幼而羸弱，長有肺疾。

二月初六日，同母弟儒祖生。『宗譜』。

儒祖字醇甫，號少海。『宗譜』卷首親派仕宦。讀書十行俱下。總角補博士弟子員。名與兄偕，時號二龍。

『宗譜』卷首劉同升『少海公傳』。

五月辛巳，逮總督薊遼右都御史王忬下獄，論斬。次年冬死於西市。『世宗本紀』、『明史』二〇四本傳。忬爲世貞、世懋之父。『本末』卷五十四誤以爲三十七年殺王忬。

文徵明卒，年九十。（一四七〇—一五五九）『明史』卷二八七本傳。

楊慎卒，年七十二。（一四八八—一五五九）『名人年譜』。

嘉靖三十九年庚申 一五六〇 十一歲。

九月，升浙江按察司巡視海道副使譚綸爲浙江布政使司右參政，仍兼副使巡視如舊。明『實錄』冊三三〇。

文卷七『宜黃縣戲神清源師廟記』：『我宜黃譚大司馬綸……自喜得治兵於浙，以浙人歸教其鄉子弟，能爲